

乾隆歷城縣志

歷城縣志卷第一

總紀一

濟南為山東首府歷城又十六州縣首縣也方四百餘里北距

京師九百三十里東至章邱縣界九十里西至長清縣界二十里南至泰安縣界一百里北至濟陽縣界五十里南直泰山其山皆分於泰山之長城嶺其著者曰歷山曰禹登曰琨瑞在縣之南曰玉函曰仙臺曰黃山曰玉符在西南曰白雲曰青桐曰梯子在東南曰華不注曰鵲曰藥皆在縣之北其水之最大者曰大清河經縣西

北境七十餘里縣之水能納衆水入之者曰玉曰灤曰  
巨合其湖曰大明曰白雲其地南境多犖确宜薪木東  
境多膏沃宜稼穡北境西境多陂澤多斥鹵砂礫宜蔬  
果葭葦下地間宜稻凡為田九千四百三十六頃有奇  
其錢糧分五等曰金銀銅錫鐵以上下其賦歲徵銀六  
萬四千二百兩有奇米萬二千二百石有奇雜稅銀五  
百四十兩有奇其俗南鄉之民多習樵牧東西鄉多務  
農桑北鄉多治蔬圃城內五方雜處多商多募鎮之大  
者曰灤口其人多來自山西皆業鹽筴歷代以來其人  
物多武臣多文士此一縣之大畧也縣城肇於周漢拓

於唐至明初始為省治規制更備縣界之中得古城十  
有一曰鮑曰譚曰平陵曰臺曰歷下周城也曰東平陵  
曰營平曰巨合漢城也曰肥鄉魏城也曰營隋城也曰  
全節唐城也爰論次依古以來之大事著於篇

唐

虞

夏

縣地皆隸兗州青州

殷

縣地隸兗州營州

周

縣地隸兗州齊封國西界

幽王時譚大夫作大東之詩以刺亂

據鄭康成詩譜

丁莊王三年春正月魯侯會齊侯於濼

見春秋桓公十八年

丁十三年冬十月齊師滅譚譚子奔莒

見春秋莊公十年

齊侯之出也過譚譚不禮焉及其入也諸侯皆賀譚  
又不至冬齊師滅譚譚無禮也譚子奔莒同盟故也

傳在

辛定王十八年夏六月癸酉魯季孫行父臧孫許叔孫

僑如公孫嬰齊帥師會晉卻克衛孫良夫曹公子首及

齊師戰於鞏齊師敗績

七年秋成  
公二年

孫桓子如晉乞師臧宣叔亦如晉乞師晉侯許之七百乘郤子請八百乘許之郤克將中軍士燮佐上軍欒書將下車韓厥為司馬以救魯衛季文子帥師會之師從齊師於莘六月壬申師至於靡笄之下齊侯使請戰曰子以君師辱於敝邑不腆敝賦詰朝請見對曰晉與齊衛兄弟也來告曰大國朝夕釋憾於敝邑之地寡君不忍使羣臣請於大國無令與師淹於君地能進不能退君無所辱命齊侯曰大夫之許寡人之願也若其不許亦將見也齊高固入晉師築石

以投人禽之而乘其車繫桑本馬以徇齊壘曰欲勇者賈子餘勇癸酉師陳於鞏邠夏御齊侯逢丑父為右晉解張御卻克鄭邱緩為右齊侯曰余姑翦滅此而朝食不介馬而馳之卻克傷於矢流血及屨未絕鼓音曰余病矣張侯曰自始合而矢貫余手及肘余折以御左輪朱殷豈敢言病吾子忍之緩曰自始合苟有險余必下推車子豈識之然子病矣張侯曰師之耳目在吾旗鼓進退從之此車一人殷之可以集事若之何其以病敗君之大事也擐甲執兵固即死也病未及死吾子勉之左并轡右援枹而鼓馬逸不

能止師從之齊師收績遂之三周華不注韓厥夢子  
與謂已曰且辟左右故中御而從齊侯邴夏曰射其  
御者君子也公曰謂之君子而射之非禮也射其左  
越於車下射其右斃於車中綦母張喪車從韓厥曰  
請寓乘從左右皆肘之使立於後韓厥俛定其右逢  
丑父與公易位將及華泉驟絙於木而止丑父寢於  
鞬中蛇出於其下以肱擊之傷而匿之故不能推車  
而及韓厥執紼馬前再拜稽首奉觴加璧以進曰寡  
君使羣臣為魯衛請曰無令與師陷入君地下臣不  
幸屬當戎行無所逃隱且懼奔避而忝兩君臣辱戎



士敢告不敏攝官承乏丑父使公下如華泉取飲鄭  
周父御左車宛箴為右載齊侯以免韓厥獻丑父郤  
獻子將戮之呼曰自今無有代其君任患者有一於  
此將為戮乎郤子曰人不難以死免其君我戮之不  
祥赦之以勸事君者乃免之齊侯免求丑父三入三  
出每出齊師以帥退入於狄卒狄卒皆抽戈楯冒之  
以入於衛師衛師免之遂自徐關入

左傳

君不使乎大夫此其行使乎大夫何佚獲也其佚獲  
奈何師還齊侯晉郤克投戟逡巡再拜稽首馬前途  
丑父者頃公之車右也面目與頃公相似衣服與頃

公相似代頃公當左使頃公取飲頃公操飲而至曰  
革取清者頃公用是佚而不反逢丑父曰吾賴社稷  
之神靈吾君已免矣卻克曰欺三軍者其法奈何曰  
法斲於是斲逢丑父

春秋公羊傳

按注曰斲斲也與左傳互異並載之以備考

辰中靈王十五年晉伐齊齊靈公與戰歷下齊師敗晉遂

追至臨淄而歸

以司馬遷史記晉世家

靈公二十七年晉使中行獻子伐齊齊師敗

史記齊世家

子子敬王三十一年八月齊陳乞遷其君荼于賴

見左傳哀公六年

秋齊景公卒八月陳僖子使召公子陽生冬十月丁

卯立之使胡姬以安孺子入賴去鬻如見左傳哀公六年

丁巳敬王三十五年夏晉趙鞅帥師伐齊侵及賴見左傳哀公十年

年

夏趙鞅帥師伐齊取犁及轅毀高唐之郭及賴而還

上同

秦

內秦始皇二十二年秦兵次於壁下見史記田元世家

巳卯二十六年秦兵擊齊齊王聽相后勝計不戰以兵降

秦秦少王建遷之共遂滅齊為郡同上

二十六年齊王建與其相后勝發兵守其西界不通

秦秦使將軍王賁從燕南攻齊得齊王建

史記秦紀

按歷下齊西界也世家云降秦紀云不通秦史記

一書多自相抵牾如此

癸巳二世元年九月田儋自立為齊王略定齊地

見史記秦紀

紀田儋傳  
並徐廣註

漢

乙未漢高祖三年使酈食其說齊王田廣罷歷下兵韓信

遠襲破齊齊王東走高密

見史記高祖紀及酈食其傳

淮陰侯方東擊齊酈生日今田廣據千里之齊田間

將二十萬之衆軍於歷城雖遣數千萬師未可以歲  
月破也臣請得奉明詔說齊王稱東藩上從其畫使  
酈生說齊王田廣以為然罷歷下兵守戰備與酈生  
日縱酒淮陰侯聞酈生伏軾下齊七十餘城迺夜度  
兵平原襲齊齊王田廣聞漢兵至以為酈生賣已迺

烹酈生引兵東走

史記酈食其傳  
淮陰侯列傳同

齊初使華無傷田解軍於歷下以距漢漢使至乃罷  
守備韓信用蒯通計襲破齊歷下軍因入臨淄齊王

烹酈生東走高密

史記田  
將列傳

戊戌六年封東郡尉戴野為臺侯

見史記高祖  
功臣表

按侯王凡傳國若干世詳見封建表

己文帝四年封齊悼惠王子信都為營侯

見火記

丁十六年分齊郡別為濟南國封齊悼惠王子辟光為

濟南王

見班固漢書地理志及高五王傳

文帝憐悼惠王適嗣乏絕乃分齊郡為六國盡封悼

惠王子列侯見在者六人齊孝王將闕濟北王志菑

川王賢膠東王雄渠膠西王卬濟南王辟光孝文十

六年六王同日俱立

漢書齊悼惠王傳

丁景帝三年正月吳王濞膠西王卬楚王戊趙王遂濟

南王辟光菑川王賢膠東王雄渠皆舉兵反遣太尉周

亞夫大將軍竇嬰將兵擊之二月諸將破七國追斬吳

王濞於丹徒濟南王辟光等皆自殺國除復為郡

見漢書景

帝紀及地理志

孝景三年吳楚反膠東膠西菑川濟南皆發兵應吳

楚欲與齊齊孝王狐疑城守不聽三國兵共圍齊漢

將驪布平陽侯等兵至齊擊破三國兵解圍膠東膠

西濟南菑川王皆伏誅國除

漢書齊悼惠王傳

申戊申宣帝本始元年後將軍趙充國以定策功封營平侯

見漢書外戚恩澤侯表

丙丁丙元帝初元四年東平陵王伯墓門梓柱卒生枝葉上

出屋

見漢書五行志

後漢光武帝建武五年二月遣耿弇率二將軍討張步十月耿弇等與張步戰臨淄大破之步降齊地悉平

見范蔚宗後漢書光武帝紀

步琅邪人漢兵起聚眾數千據本部遣將徇太山東萊城陽膠東北海濟南齊郡諸郡皆下之建武五年聞帝將攻之以其將費邑為濟南王屯歷下冬建威

大將軍耿弇破斬費邑進拔臨淄

後漢書張步傳

弇進討張步從朝陽橋濟河以度步使其大將軍費邑分遣弟敢守巨里弇進兵先脅巨里使多伐樹木



揚言以填塞坑塹數日有降者言邑聞弁欲攻巨里  
謀來救之弁乃嚴令軍中趣修攻具宣勅諸部後三  
日當悉力攻巨里城陰緩生口令得亡歸歸者以弁  
期告邑邑至日果自將精兵三萬餘人來弁喜謂諸  
將曰吾所以修攻具者欲誘致邑耳今來適其所欲  
也即分三千人守巨里白引精兵上岡阪乘高合戰  
大破之臨陳斬邑既而收首級以示巨里城中城中  
兇懼費敢悉衆亡歸張步弁復收其積聚縱兵擊諸  
未下者平四十餘營遂定濟南

後漢書  
耿弁傳

亥巳

十五年四月封皇子康為濟南公

見後漢書光武  
帝紀及郡國志

庚子十七年十月進濟南公爵為王復以濟南郡為濟南

國

甲寅三十年幸濟南

同上

乙酉章帝元和二年東巡狩辛未幸泰山戊寅進幸濟南

後漢書  
章帝紀

丙辰安帝元初三年正月丁丑東平陵樹連理 二月東

平陵有瓜異處共生八瓜同蒂

見沈約宋書符瑞志

按後漢書安帝紀元初三年正月東平陸上言木

連理與此不同

甲子延光三年二月戊子鳳凰集臺縣丞霍收舍樹上賜

臺長帛五十四丞三十四尉半之吏卒三匹鳳凰所過

亭郡無出今年田租賜男子爵人二級

見後漢書安帝紀

漢安帝延光三年車駕東巡二月戊子鳳凰集濟南臺縣丞霍收舍樹上賜臺長疑帛十五匹收二十四

尉半之

宋書符瑞志

九月辛亥黃龍見歷城

見後漢書安帝紀五行志同

丙寅順帝永建元年六月封濟南王錯子顯為濟南王

後漢

書順帝紀

癸巳桓帝永興元年五月濟南王廣薨無子國除

桓帝紀

甲寅靈帝熹平三年封河間利王子康為濟南王今孝仁

皇祠

後漢書  
靈帝紀

甲子 中平元年春張角弟子濟南唐周上書告角

見司馬  
光奏

通鑑

丁未 獻帝建安十二年十月黃巾賊殺濟南王贇

後漢書  
獻帝紀

按後漢書注贇河間孝王五代孫

魏平蜀徙蜀豪將家於濟河立濟岷郡

見宋書  
州郡志

按平蜀在炎興元年立濟岷郡年未詳

丙申 魏邵陵厲公正始七年任城王彰子楷徙封濟南三

千戶并增邑四千四百戶

見馬端臨  
文獻通考

晉

乙酉武帝泰始元年封皇子遼為濟南王

見房喬等書武帝紀

遼傳子耽耽傳弟緝國除

晉書

戊子四年九月大水

晉書武帝紀  
五行志同

庚子太康元年五月雨雹傷禾麥三豆

晉書五行志

辛丑二年二月辛酉隕霜傷麥五月暴風折木傷麥

見晉書五行志

志行

壬寅三年閏月癸丑白龍二見歷城

見晉書武帝紀及宋書符瑞志

戊寅元帝泰興元年八月蝗

晉書元帝紀

壬寅成帝咸康八年濟南平陵城北石獸一夜中忽移在

城東南善石溝上有狼狐千餘跡隨之迹皆成路

晉書載記

按石獸本作石虎唐時避太祖廟諱改稱

劉宋

癸亥營陽王景平元年春正月庚申檀道濟引軍於彭城魏叔孫建入臨淄城邑皆潰竺夔聚民保東陽城濟南太

守垣苗棄歷城帥衆依夔

見通鑑及胡三省音註

年庚午文帝元嘉七年十一月遣征南大將軍檀道濟拒魏

未八年二月滑臺陷道濟於歷城引軍還

見李延壽南史宋文帝紀

及宋書檀道濟傳

元嘉八年到彥之侵魏已平河南後失之道濟都督征討諸軍事北略地轉戰至濟上魏軍盛遠克滑臺

道濟時與魏軍三十餘戰多捷軍至歷城以資運竭  
乃選時人降魏者俱說糧食已罄於是士卒愛懼莫  
有固志道濟夜唱籌量沙以所餘少米散其上及旦  
魏軍謂資糧有餘故不復追

南史糧道齊傳

到彥之寇河南諸道上屯河上以禦之遂誘檀道濟

邀其前後追至歷城而還

見魏收魏書長孫道生傳

蕭承之元嘉初為濟南太守七年到彥之北伐破青  
部諸郡國別帥安平安公乙旃眷寇濟南承之率數  
百拒戰退之敵衆大集承之使假兵前城門衆諫曰  
河漚敵之甚承之曰今日懸守窮城市已危急若復

示弱必為所圖惟常見彊待之耳敵疑有伏兵引去

見蕭子顯尚  
齊書高帝紀

壬午九年分青州立冀州治歷城

見宋書州郡志  
及杜佑通典

庚辰十七年八月大水

見宋書  
文帝紀

丙戌二十三年魏攻冀州刺史申恬於歷城青州刺史杜

駙使其府司馬夏侯歡等將兵救歷城

見通鑑

庚寅二十七年六月乙卯白雀見濟南薛榮以獻

宋書符  
瑞志

七月遣輔國將軍蕭斌之率眾六萬攻濟州刺史王買

得棄州走斌之遂入城九月魏主南伐十月至東平蕭

斌之棄濟州退保歷城

見魏書太武帝紀  
太平真君十一年



卯二十八年 江夏王義恭以礪礪不可守名王元謨

遷歷城魏人追擊敗之遂取礪礪

見通鑑

壬二十九年 秋七月諸軍攻礪礪治三攻道累旬不

拔八月丁卯蕭思話命諸軍皆退屯歷城 八月詔思

話領冀州刺史鎮歷城

見通鑑

癸三十年 春三月丁酉武陵王至尋陽移檄討劭克

冀二州刺史蕭思話自歷城引部曲還平城起兵以應

尋陽建武將軍垣護之在歷城亦帥所領赴之

見通鑑

年饑

見宋書文帝紀

乙孝武帝孝建二年移青州治歷城

見宋書州郡志

垣護之孝建二年督青冀二州諸軍事寧遠將軍青  
冀二州刺史鎮歷城明年進號寧朔將軍進督徐州  
軍事世祖以歷下要害欲移青州并鎮歷城議者多  
異護之曰青州北有河濟又多陂澤非敵所向每來  
寇掠必由歷城二州并鎮此經遠之略也北又近河  
歸順者易近息民患遠申王威安邊之上計也由是

遂定

宋書垣  
護之傳

丑大明五年五月癸未白雀二見濟南青州刺史劉道

隆以獻

見宋書  
符瑞志

甲辰八年青州刺史移歷城治還治東陽

見宋書  
州郡志

元魏

癸巳文成帝興安二年封拓拔麗為濟南王旋賜死國除

見魏書文成帝紀

丁未獻文帝皇興元年正月冀州刺史崔道固遣使請舉

州內屬三月道固復叛慕容白曜討之八月攻歷城

戊申二年春二月癸未崔道固舉城降

魏書顯祖獻文帝紀

道固為冀州刺史鎮歷城宋明帝立道固推立廢帝

弟子勛敗乃歸魏獻文帝以為南冀州刺史宋明帝

遣說道固以為徐州刺史復歸宋皇興初獻文詔征

南大將軍慕容白曜討道固道固面縛請罪白曜送

赴都詔恕其死乃徙齊士望共道固守城數百家於  
桑乾立平齊郡於平城西北新城道固為太守

北史崔道

傳

慕容白曜南征郡範為左司馬軍達升城青州刺史  
沈文秀遣將奉牋歸款請軍接援白曜將遣偏師赴  
之範曰文秀擁眾數萬勁甲堅城竟何所畏已求援  
軍且幣厚言甘誘我也若不遠圖懼虧軍實未若先  
守歷城平盤陽下梁鄒剋樂陵然後揚旌直進何患  
不亞漿路左以迎明公哉白曜曰道固孤城裁能自  
守盤陽諸戍勢不野戰文秀意在先誠天與不取後

悔何及範曰歷城足食足兵非一朝可拔文秀既據東陽為諸城根本多遣軍則歷城之固不立少遣衆則無以懼敵心脫文秀閉門拒守梁鄒諸城追擊其後腹背受敵進退無途願更審思勿入賊計白曜乃

止

魏書鄒範傳

冀州刺史崔道固遣使內附既而復叛白曜自取邱進攻歷城為書以喻之道固固守不降白曜築長圍以攻之二年道固降白曜釋而禮之送京師乃徙城內民望於下館置平齊郡懷寧歸安二縣以居之

慕容白曜傳

崔道固起兵應劉子勛法壽於清河太守王元邁起  
兵西屯合討道固累破道固軍甚為歷城所憚

魏書  
房法

奇  
傳

崇吉為并州刺史戍升城白曜遣人招之崇吉不降  
白曜遂築長城圍三重日夜攻擊崇吉突圍出走後  
與法壽俱降及立平齊郡以歷城民為歸安縣崇吉

為縣令

魏書房  
崇吉傳

已  
百

三年封慕容白曜為濟南王

見魏書  
文帝紀

更名宋冀

州為齊州復置東魏郡治歷城有蠶吾聊城肥鄉臨邑

等縣

見魏書  
地理志

按蠡吾等縣以其山水考之多涉今縣地故載之

年考文帝延興元年十一月妖賊司馬小君聚眾反於

平陵徐州刺史武昌王平原討擒之魏書考文帝紀

丁巳承明元年八月徐州獻嘉禾魏書靈十月濟南公

托拔羅拔進爵為王見魏書考文帝紀

未巳太和三年九月齊州獻嘉禾魏書靈

按樂史太平寰宇記云靈武縣本漢富平縣後魏

太和初平三齊後徙歷下人處於此遂有歷城之

名後周因置歷城郡於此事不知在太和幾年姑

附於此

庚辰宣武帝景明元年七月齊州獻嘉禾魏書九月

齊州民柳世明聚眾反十月齊克二州討世明平之魏書

世宗宣武帝紀

辛巳二年二月辛亥隕霜殺桑麥同上青齊徐兗饑死萬

餘人魏書天象志

乙酉正始二年三月丁丑大雹雨雪四月隕霜六月

齊州獻嘉禾魏書

丙戌三年三月齊州獻白雉同上

辛卯永平四年二月大饑遣使賑恤見魏書宣武帝紀

癸巳延昌二年五月齊州獻白鹿魏書靈徵志



甲午 三年十月齊州甘露降

同上

丙申 孝明帝熙平元年六月好妨害稼

同上

丁酉 二年九月城歷城

見魏書孝明帝紀

庚子 正光元年十一月濟南靈壽山木連理

魏書靈壽志

乙巳 孝昌元年二月齊州魏郡民房伯和聚眾反會赦

見魏

書考明帝紀

丁未 孝昌三年二月丁未追復故東平公匡爵改封濟南

王見魏書考明帝紀

馬日珍移東魏郡治於臺城

見魏書地形志及太平寰宇記

戊戌 孝莊帝永安元年五月己巳齊州郡民賈結聚眾反

夜襲州城會明退走 六月幽州北平府主薄河間邢

杲率河北流民十餘萬戶反於青州之北海以征東將

軍李叔仁討之十月李叔仁討邢杲於濰水失利而還

十二月詔行瑩於暉回師討邢杲次於歷下見魏書孝

已二年四月上黨王天穆齊獻武王大破邢杲於濟南

杲降送至京師斬於都市同上

庚三年十二月齊州城人趙洛周據西城反應爾朱兆

刺史丹陽王蕭贊棄城走同上

出帝永熙初韓子熙以奉冊之故封歷城縣開國子食

邑五百戶見魏書韓

顯傳

魏成縣志

卷第一

七

丙子高齊文宣帝天保七年改東魏郡為濟南郡還治歷

城堽城廢見樂史太平寰宇記

戊寅九年有龍長七八尺見齊州大堂魏徵等隋書五行志

壬午武成帝河清元年四月青州刺史上言今月庚寅河

濟清李延壽北史武成帝紀

癸未二年六月齊州上言濟河水口見八龍升天同上

己亥宇文周宣帝宣政元年五月以齊州濟南郡為陳國

邑一萬戶令陳王純之國北史宣帝紀

隋

辛丑文帝開皇元年封郟敏為濟南公見隋書文帝紀 廢濟南

郡見隋書地理志

甲辰四年正月水隋書高祖文帝紀

甲寅十四年十二月乙未東巡狩十五年正月壬戌車駕

次齊州親問疾苦同上

丙辰十六年置營城縣見隋書地理志

煬帝大業初置齊郡廢營城縣入章邱同上

巳大業五年饑隋書五行志

辛未七年秋大水民相賣為奴婢隋書煬帝紀

壬申八年大旱隋書五行志

丁丑十三年左才相起齊郡號博山公王薄據齊郡隋書

場布  
紀

唐

戊寅高祖武德元年改齊郡為濟州明年平陵縣民李義滿以縣來降於平陵置譚州并置平陵縣以章邱亭山營城隸之

見劉昫唐書歐陽修宋祁新唐書地理志

壬十五年三月戊戌譚州刺史李義滿殺齊郡都督王薄

新唐書  
高祖記

乙酉八年省營城入平陵

新唐書地理志

丁亥太宗貞觀元年廢都督府及譚州省源陽縣以廢譚

州之平陵臨濟亭山章邱四縣屬濟南

見唐書地理志

癸巳七年復置都督府管齊青淄萊密五州

同上

八月大

水遣使賑恤

見唐書  
太宗紀

甲午八年七月大水遣使賑恤

同上

癸卯十七年齊州都督齊王祐據齊州自守詔兵部尚書

李勣發兵討之兵未至兵曹杜行敏執之而降遂賜死

於內侍省給齊州復一年改平陵縣為全節縣

見新舊唐書太

宗紀及  
地理志

祐太宗第五子貞觀十年封齊王授齊州都督其舅

尚乘直長陰宏智謂祐曰王兄弟既多上百年之後

須得武士自助乃引其妻兄燕宏信謁祐祐接之甚

厚令潛募劍士初太宗以子弟成長慮非法度長史  
司馬必取正人王有愆違皆遣聞奏而祐溺情羣小  
无好弋獵長史薛大鼎屢諫不聽太宗以大鼎輔導  
無方竟坐免以權萬紀為長史萬紀見祐非法常犯  
顏切諫有咎君蒼梁猛彪者並以善騎射得幸於祐  
萬紀斥逐之而祐潛遣招延狎暱愈甚太宗數以書  
責讓祐萬紀恐并獲罪謂祐曰陛下欲王改悔故加  
教訓若能飭躬行過萬紀請入言之祐因附表謝罪  
萬紀既至言祐必能改過太宗意稍解賜萬紀而仍  
以祐前過勅書誥誡之祐聞萬紀勞勉而獨被責以

為賣已意甚不平萬紀性又褊隘專以嚴急維持之  
城門外不許祐出所有鷹犬並令放解又斥出君謩  
猛彪不許與祐相見祐及君謩以此銜怒謀殺萬紀  
會事洩萬紀悉收繫獄而發驛奏聞十七年詔刑部  
尚書劉德威往按之并追祐及萬紀入京祐大懼俄  
而萬紀奉詔先行祐遣燕宏信兄宏亮追於路射殺  
之君謩等勸祐起兵乃召城中男子年十五以上偽  
署上柱國開府儀同三司開官庫物以行賞驅百姓  
入城繕甲兵署官司其官有拓東王拓西王之號詔  
遣兵部尚書李勣與劉威使道發兵討之祐每夜引



宏亮等對妃宴樂以為得志語及官軍宏亮曰不須憂也祐愛信宏亮聞之甚樂太宗手詔祐曰吾常誠汝勿近小人正為此也往是吾子今為國讎吾上慚皇天下愧后土知復何云書畢為之灑泣時李勣等兵未至齊境而青淄等數州並不從祐之命祐又傳檄諸縣亦不從或勸祐虜城中子女走入豆子畝為盜計未決而兵曹杜行敏謀執祐夜鑿垣而入祐與宏亮等五人披甲控弦入室自固行敏列兵圍之謂祐曰昔為帝子今為國賊行敏為國討賊更無所顧王不速降當為煨燼命薪草欲積而焚之祐遂出就

擒餘黨悉伏誅行敏送祐至京賜死於內省貶為庶

人

唐書典  
人祐傳

祐喜養鬪鴨方未反狸齧鴨四十餘絕其頭而去及

敗牽連誅死者四十餘人

同上

貞觀十七年齊王祐起兵平陵人不從順遂改為全

節

唐書地  
理志

庚戌高宗永徽元年大水

見唐書  
高宗紀

丙子上元三年八月大水

見新唐書  
五行志

庚辰永隆元年大水溺死者甚衆

丁丑武后垂拱三年饑

辛大足元年饑

丙中宗神龍二年旱饑

以上俱見新唐書五行志

癸元宗開元二年封棣王琰子俊王濟南

見文獻通考

甲三年水

見新唐書五行志

甲十三年青齊斗米五錢

司馬光稽古錄

壬天寶元年改齊州為臨淄郡

見唐書地理志

丙五載復改臨淄為濟南郡

同上

乙十四載冬十月安祿山以張通晤為睢陽太守與陳

留長史楊朝宗將胡騎千餘東略地濟南太守李隨起

兵拒之

見通鑑

戊肅宗乾元元年改濟南郡復為齊州同上

巳二年秋九月史思明陷齊州新唐書肅宗紀

乙德宗貞元元年饑斗米千錢唐書德宗紀

戊四年地生毛新唐書德宗紀

庚憲宗元和十五年以全節縣戶口凋殘省入歷城新見

燕唐書地理志

巳文宗開成四年黑蟲食田蝗害稼都盡新舊唐書五行志

庚五年夏蝗蝗害稼新唐書五行志

壬懿宗咸通三年五月蝗旱民饑唐書懿宗紀

乙昭宗乾寧一年十一月壬申齊州刺史朱瓊叛附於

朱全忠

新唐書  
昭宗紀

宋

壬戌太祖建隆三年大旱生魃

脫脫等宋  
史五行志

癸亥乾德元年饑

丙寅四年八月齊州河決

巳巳開寶二年水害秋苗

辛未四年七月水傷田

以上俱宋  
史五行志

甲戌七年春齊州野蠶成繭

見宋史  
太祖紀

巳丑太宗端拱二年齊州民徐美產三男

宋史五  
行志

辛卯淳化二年冬旱

見宋史  
太宗紀

三年七月蝗

上同

至道二年七月蝗

上同

太宗本紀云至道二年七月齊州蝗抱草死

宋史五行志

真宗咸平元年七月齊州清黃河泛溢

上同

三年赦齊州罪人非持杖劫盜謀故殺枉法贓十惡

至死者並釋之

宋史真宗紀

神宗熙寧七年建閔子祠

見蘇轍樂城集

神宗元豐二年齊州禾一莖五穗

宋史五行志

秋七月

封龍洞神為順應侯

據宋初碑

六年禾二本合穗

見宋史五行志

丙子哲宗紹聖三年齊州未與畝同韻合秀至九穗同

戊申高宗建炎二年正月以劉豫知濟南府十二月金人

犯濟南劉豫以城降

宋史高宗紀

劉豫字彥遊景州阜城人舉進士元符中登第政和二年召拜殿中侍御史宣和六年判國子監除河北提刑金人南侵豫棄官避亂儀真豫善中書侍郎張懋建炎二年正月用懋薦除知濟南府是冬金人攻濟南豫遣子麟出戰敵縱兵圍之數重郡倅張東蘇兵來援金人乃解去因遣人啗豫以利豫遂蓄反謀殺其將關勝率百姓降金百姓不從豫縋城約款三

年三月兀朮聞高宗渡江乃徙豫知東平府以麟知  
濟南府界舊河以南俾豫統之四年七月丁卯金人  
遣大同尹高慶裔知制誥韓昉冊豫為皇帝國號大  
齊都大名府先是北京順豫門生瑞禾濟南漁者得  
鱷豫以為已受命之符遣麟持重寶賂金左監軍撻  
辣求僭號撻辣許之乃命慶裔昉備璽綬寶冊以立  
之九月戊申豫即偽位赦境內奉金正朔以子麟為  
大中大夫提領諸路兵馬無知濟南府自以生景州  
守濟南節制東平僭位大名乃起四郡丁壯數千人

號雲從子弟

宋史劉  
豫傳



金

壬戌 熙宗皇統二年大熟 見脫脫金史五行志

丁丑 海陵正隆二年秋蝗 見金史海陵紀五行志

丙申 世宗大定十六年旱蝗 同上

壬子 章宗明昌二年秋旱饑 見金史章宗紀及五行志

甲寅 四年大稔 見金史五行志

甲子 泰和四年旱 見金史章宗紀

庚午 永濟大定二年四月大旱至六月雨復不止民間斗

未 至千餘錢 見金史五行志

未 三年二月大旱 同上

壬宗慶元年旱

同上

丁未寧宗嘉定十年  
丑金宣宗興定元年

金濟南等州賊並起皆劉二社餘

黨劉摯遣完顏霆率兵討之

薛應旂宋  
元通鑑

巳宋寧宗嘉定十二年  
卯金宣宗興定三年

六月金元帥張林以青莒密登

萊濰淄濱棣海寧濟南十二州歸宋授林京東安撫總

管宋史李  
全傳

七月李全引兵至齊州知州王贊以城降

郡人周馳死之

見宋史寧宗紀及  
元好問中州集

按金史宣宗紀王贊據濟南在興定四年八月與

此不同

巳宋寧宗嘉定十四年十月復以齊州為濟南府十一

月京東安撫使張林叛以京東諸郡降元

見宋史寧宗紀及宋濂等

元史太祖紀

木華黎分兵畧定河北衛懷孟州入濟南時金兵屯黃陵岡號二十萬遣兵二萬襲濟南木華黎以輕兵五百擊走之辛巳京東安撫使張林來降以林行山東東路益都滄景瀕棣等州都元帥府事

元史木華黎傳

按元史太祖紀八年秋帝與皇子拖雷取泰安濟南等郡是宋嘉定六年元已取濟南郡矣豈不守而去至是乃復取耶

詩附

韋燕恒九日登歷山次尹方伯韻詩登樓每為對山光  
界中四照樓與歷山相對九日欣然此命觴洞古暗添風獵獵秋深  
猶見物昌昌清泉清薄圍荒寺短堞參差送夕陽龍泉  
漫嫌冠蓋俗杖藜吟斷晚烟蒼

大明湖秋泛詩誰將七十二泉流漚作明湖十頃浮天  
與詩人綵逸與我來烟艇恰新秋遠山倒映成雙髻初  
月斜穿又一鉤無限濟南好風景盡情都被鏡中收  
雨後大明湖詩頓覺秋蒸退湖光弄晚晴七橋新溜急  
一棹夕陽明言采芰荷去因隨鷗鷺行回歌聞隔岸相

對不勝情

鵲華橋晚泛詩鵲華山色闌  
嬋娟影入橋頭分外妍若  
使明湖容我乞只消一隻櫂頭船

芰荷香裏晚風幽洗盡人間萬  
疊愁算到清秋多暇日  
直須排日去尋秋

歷下亭早秋詩一葉點秋波  
秋風歷下多空亭餘古意  
落日動高歌漁艇依蘆葦  
人家枕薜蘿白蓮開未已幽  
思更如何

四照樓曉坐詩曉涼生傑閣  
燕坐及芳辰橋畔魚初躍  
堦前鷓鴣漸馴荷香猶帶露  
竹淨不霑塵暗想湖如鏡應

多泛艇人

物芥亭即事詩深巖地比僧寮閉軒窗如畫舫停幾

葉寒蘆依柳岸一彎流水接沙汀機心不耐窺碁局時兒

輩嗜奕子為戒之謔字猶貪校石經適校元板款氏儀禮集說只有青山為

故侶粉牆遙見佛頭青

玉玲瓏館詩結茆臨清流十笏頗卑隘四面開軒窗須  
彌乃納芥愛此玉玲瓏應下米顛拜

石芝書屋詩神仙安可求道妙在無欲笑彼東園公長  
歌商山曲不如對石芝讀書吾意足

濯纓橋坐月詩一片秋烟入二更濯纓橋畔短琴橫團

團月影都籠到碧水紅蓮相映明

歷城縣志卷第二

總紀二

元

庚寅太宗二年十一月始置十路徵收稅課使以田賦西

李天翼使濟南

元史太宗紀

丙申八年詔以中原諸州民戶分賜諸王貴戚野苦益都

濟南二府戶內撥賜

同上

己亥十一年災免稅糧

同上

壬戌世祖中統三年二月己丑李璫反詔發兵討之命諸

王合必赤總督諸軍會濟南壬子李璫據濟南三月史



樞阿木各以兵赴濟南遇李璵軍邀擊大破之璵退保  
濟南夏四月大軍樹柵鑿堽圍璵於濟南五月築環城  
圍濟南璵不得復出秋七月甲戌李璵窮蹙入大明湖  
水中不即死獲之伏誅

元史世祖紀

李璵小字松壽濰州人李全子也太宗十六年全叛  
宋舉山東州郡歸附拜全山東行省太祖三年全攻  
宋揚州敗死璵遂襲為益都行省專制山東者三十  
餘年前後所奏凡數十事皆恫疑虛喝挾敵國以要  
朝廷而自為完繕益兵計初以其子彥簡質於朝而  
潛為私驛自益都至京師質子營至是彥簡遂用私

驛逃歸瓊遂反以連海三城獻於宋殲蒙古戍兵引  
麾下吳舟還攻益都入之發府庫以犒其黨遂寇蒲  
莖民間瓊返皆入深城郭或奔竄山谷自益都至臨  
淄數百里寂無人聲帝遣諸軍討瓊瓊盜據濟南史  
樞阿木帥師赴濟南瓊率眾出掠輜重將及城官軍  
激擊大敗之瓊退保濟南五月庚申築環城圍之甲  
戌圍合瓊自是不得復出猶日夜拒守取城中子女  
賞將士以悅其心且分軍就食民家家賦之人情潰  
散瓊不能制各什伯相結絕城以出瓊知城且破乃  
手刃愛妾乘舟入大明湖自投水中水淺不得死為

官軍所獲縛至諸王合必赤帳前丞相史天澤言宜  
即誅之以安人心遂與蒙古軍官囊家並誅焉

元史李壇

傳

張宏範中統三年從親王合必赤討李壇於濟南營  
城西壇出軍突諸將營獨不向宏範宏範曰我營險  
地壇乃示弱於我必以奇兵來襲謂我勿悟也遂築  
長壘內伏甲士而外為壕開東門以待之夜令士卒  
浚壕益深廣壇不知也明日果擁飛橋來攻未及岸  
軍陷壕中得跨壕而上者突入壘門遇伏皆死降兩

賊將

元史張宏範傳

李瓊叛史樞從叔天澤討之城西南有大澗亘歷山  
樞一軍獨當其險夾澗而豎木柵於澗中淫雨暴漲  
木柵盡壞樞曰賊乘吾隙俟夜必出命作葦炬數百  
置城上三鼓賊果至飛炬擲之風怒火烈弓弩齊發

賊衆大潰

元史史  
樞傳

李瓊反據濟南文蔚以麾下軍圍其南面春秋力戰  
城破瓊誅奏功還

元史董  
文蔚傳

九月勅濟南官吏凡軍民公私逋負權閣無徵閏月民  
饑發粟三十萬賑之

元史世  
宗紀

癸亥四年招諭濟南流民

同上

甲子至元九年大水元史五  
行志

乙丑八月雨雹元史五  
行志

戊辰五年十二月大水免今年田租見元史世宗  
紀及力行志

己巳六年十一月饑元史五  
行志

庚午七年七月旱蝗免軍戶田租 九月饑勅濟南酒稅

以十之二收糧見元史  
世宗紀

申申八年六月蝗元史五  
行志

丁丑十四年五月水旱除河泊課聽民自漁十二月賑饑

元史世  
宗紀

戊寅十五年四月縣進芝見元史  
五行志 六月陞濟南府為濟

南路

元史世祖紀

巳卯十六年二月遣官覈實益都濟南逃亡荒地之為行

營牧地者

同上

乙酉二十二年秋河水壞田

元史五行志

丙戌二十四年封也只里為濟南王

見元史

戊子二十五年七月諸王也真部曲饑分五千戶就食濟

南保定路

元史世祖紀

巳丑二十六年隕霜殺麥

見府志

秋七月雨害稼免田租

見元史世祖紀

壬辰二十九年霜殺桑

元史五行志

六月蝗

同上

乙未 成宗元貞元年六月大清河水溢壞民居見元史成宗紀及五

志行

丁酉 大德元年水旱見元史成宗紀

戊戌 二年四月蝗見元史五行志

辛丑 五年六月水同上

壬寅 六年五月大水同上

癸卯 七年四月隕霜殺麥 五月蝗蝻食麥大水元史成宗紀五

同行志

戊申 武宗至大元年二月大饑遣宣慰使王佐賑之見元史武

紀宗 五月雨雹 六月大饑

按五行志作四月濟南風雹

巳酉二年六月以益都濟南般陽三路屬宣慰司餘並令

直隸省部

七月蝗

以上俱見元史武帝紀

丙辰仁宗延祐三年二月饑給糧兩月

元史仁宗紀

未巳六年六月大雨水害稼

九月饑

同上

延祐六年己未齊地大饑父子相食欽銜命賑卹濟南六縣洎嶽竈饑民嘗以勸率富民出粟太多賑濟太廣見責於憲府時官僚有幸此凶歲捐升斗以鬻子女舉曰過房悉輦以北欽則訪鬻子者為贖還之

于欽齊乘



壬戌 英宗至治二年閏五月饑池河泊之禁 十二月水

元史英宗紀

癸亥 三年十二月霖雨害稼同上

按五行志作五月

甲子 泰定帝泰定元年六月淫雨水深丈餘漂沒田廬見元史

五行志 八月雨水傷稼賑之見元史泰定帝紀

乙丑 二年閏正月饑 六月蝗 九月蝗 十二月饑見元史

五行志

丙寅 三年二月饑免田租之半見元史泰定帝紀

丁卯 四年十二月旱蝗免田租之半同上

戊辰 致和元年四月饑發粟賑之 六月雨水害稼

帝紀及  
五行志

文宗天歷元年

即致和元年

有年

元史文  
宗紀

庚午 至順元年七月蝗

同上

甲戌 順帝元統二年三月霖雨水湧民饑賑糶米二萬二

千石

見元史順帝  
紀及五行志

丁丑 至元三年八月饑遣使賑饑民

同上

戊寅 四年八月山東鹽運司於濟南歷城立濱洛鹽倉東

西二場

元史順  
帝紀

丙戌 六年五月饑賑鈔錠 七月饑賑鈔二千五百錠

同上

辛巳至正元年饑

見元史五行志

壬辰十二年修城

碑

壬午二年六月壬子山崩水湧癸丑夜山水暴漲衝東西

二關流入小清河黑山天麻石固等寨及卧龍山水通

流入大清河漂沒上下民居千餘家溺死者無算

見元史順

帝紀及五行志

甲申四年八月霖雨民饑相食賑之 十二月復賑饑民

見元史順帝紀

乙酉五年四月民饑大疫賑之募富戶出米五十石以上

者旌以義士之號

見元史順帝紀及五行志

丙戌六年二月地震七日乃已同上 秋八月修府學見前志

丁亥七年二月己卯地震壞城郭見元史五行志

戊子八年大水民饑賑之八月雨雹同上

丙申十六年八月大水同上

丁酉十七年三月劉福通遣其黨毛貴陷益都路山東郡

皆陷以董搏霄為山東宣慰使見元史順帝紀 四月大風雨

雹元史五行志 冬大饑人相食見佛倫濟南府志

至正十七年濟南告急搏霄提兵援濟南賊眾自南山來攻濟南望之兩山皆赤搏霄按兵城中先以數十騎挑之賊悉眾來關騎兵少却至礮上伏兵起遂

合戰城中兵又起大破之般陽賊復踰南山來襲濟南搏霄列兵城上弗為動賊夜攻南門獨以矢石禦之黎明乃默開東門放兵出賊後既旦城上兵皆下大開南門合擊之賊敗走濟南始寧

元史並搏霄傳

戊十八年正月丁卯不蘭奚與毛貴戰於好石橋敗績走濟南二月癸酉毛貴陷濟南路守將愛付戰死毛貴立賓興院選用故官以姬宗周等分守諸路三月毛貴犯澶州遂略柳林同知樞密院事劉哈不花以兵擊敗之貴走據濟南

元史順帝紀

五月山東地震天雨白毛

十九年四月毛貴為趙君用所殺

五月蝗飛蔽天

人馬不能行所落溝壑盡平民大饑

二十一年六月察罕帖木兒總兵討山東八月進兵

濟南劉珪降

以上俱元史順帝紀

二十一年六月察罕帖木兒自陝抵洛大會諸將水陸俱下分道並進鼓行而東復冠州東昌八月復東平濟寧時大軍猶未渡羣賊皆聚於濟南而出兵齊河禹城以相抗察罕帖木兒分遣奇兵取間道出賊後自將大軍渡河與賊將戰於分齊大敗之進逼濟南城而齊河禹城俱來降攻圍濟南三月城乃下

元史

察罕帖木兒傳

癸卯二十三年大旱

見張玘玉等  
明史五行志

六月庚戌星隕於濟

南龍山入地五尺

元史順  
帝紀

丙午二十六年夏六月靈雨害稼飛蝗蔽天民大饑

見府  
志

冬十月擴廓帖木耳遣其弟脫因帖木兒及豹高完

質等駐兵濟南以控制山東

元史順  
帝紀

丁未二十七年五月山東地震雨白雹 十二月己酉明

兵收濟南路

同上

吳元年十二月己酉大將軍徐達至濟南元平章忽

林台詹同脫因帖木兒聞之先驅人民引軍遁去平

章達彘兒只進巴等以城降收其將士二千八百五

十五人馬四百二十九匹命指揮陳勝守之

明太祖實錄

明

戊太祖洪武元年正月丙申大將軍徐達復自益都至

濟南二月丙午副將軍常遇春帥師自濟南取東昌癸

丑克東昌仍選軍濟南

見實錄

四月置山東行中書省

治濟南

明史地理志

閏七月己亥元降將喬會院叛於濟

南僉院福建解象官航海至山東吳元年十二月大將

軍駐師濟南因來降至是復作亂指揮陳勝楊春討平

之斬首三千餘級

見實錄

建都轉鹽運使司署

見陸氏山東通志

志



巳酉 二年建濟南府署

同上

建城隍廟

據碑

重建府學

陸道

志

庚戌 三年三月免今年田租

明史太祖紀

七月旱

見寶錄

建

巡按御史署

見葉宗基成縣志以後俱稱舊志

辛亥 四年大修城

見陸道志

壬子 五年四月賑饑六月蝗大饑草實樹皮為食盡發粟

賑饑免被災田租

明史太祖紀及五行志

癸丑 六年水暴漲

見明太祖實錄

甲寅 七年二月旱蝗免租稅

見明史太祖紀及五行志

乙卯 八年二月革堰頭稅課局其課以在城稅課司并收

之見實

四月乙巳地震

同上

七月大水

見明史五行志

九年七月改行中書省為承宣布政使司

見明史地理志

建承宣布政使司署 建提刑按察使司署

見隆慶通志

七

月大水

明史五行志

十年大稔斗米七錢

見舊志

十五年四月免稅糧

見明史太祖紀

十二月罷採鉛之役

見實錄

十八年十一月蠲田租

見明史太祖紀

二十年四月庚寅詔民運糧赴大寧者免徵夏稅

見實錄

九月壬寅詔民造戰襖給大寧戍卒倍給其直

同上

十二月己巳詔賑恤饑民同

己巳二十二年復置錢苟見實錄

庚午二十三年八月賑水災見明史太祖紀

十一月免被災田

租同上

壬申二十四年正月免魚課以濟饑饉見實錄

饑免田租

見明史太祖紀及五行志

癸酉二十五年海饑見明史五行志

乙亥二十八年七月遷濟南民於東昌見實錄

九月免秋

糧同上十二月詔山東桑棗及二十七年後新墾田

徵稅見明史太祖紀

惠帝建文二年五月燕兵陷德州遂攻濟南李景隆

敗績於城南走叅政鐵鉉都督盛庸悉力禦之八月

盛庸鐵鉉擊敗燕兵濟南圍解復德州見明史九月

封盛庸歷城侯同上

鐵鉉字鼎石建文初為山東叅政李景隆之北伐也

鉉督餉無乏景隆兵敗白溝河單騎走德州城戍皆

望風潰鉉與叅軍高巍感奮涕泣自臨邑趨濟南偕

盛庸宋叅軍等誓以死守燕兵攻德州景隆走依鉉

德州陷燕兵收其儲蓄百餘萬勢益張遂攻濟南景

隆復大敗南奔鉉與庸等乘城守禦燕兵隄水灌城

築長圍晝夜攻擊鉉以計焚其攻具聞出兵奮擊之  
遣千人出城詐降燕王大喜軍中皆懼呼鉉仗壯士  
城上候王入下鐵板擊之別設伏斷橋既而失約王  
未入城板擊下王驚走伏於橋名猝不可斷王鞭馬  
馳去憤甚百計進攻凡三閱月卒固守不能下當是  
時平安統兵二十萬將復德州以絕燕餉道燕王懼

解圍北歸

明史鐵鉉傳

實錄載二年五月上至濟南李景隆眾尚十餘萬李  
卒布陣未定上以精騎赴之大敗景隆斬首萬餘級  
殺馬萬七千餘匹景隆單騎遁餘眾悉降盡殺之

濟南城守不下上命諸將攻之辛巳隄水灌濟南城  
八月戊申解濟南圍還師北平自五月己卯起至八  
月戊申共圍城三月其間攻守勝敗之勢史皆諱而  
不言按其時景隆既遁而南則立齊開錄載高魏贈  
鐵司馬序可証矣序云豐國公大軍進取失利漫散  
南行而德州井無守禦官軍人民逃散四野一空鐵  
相與魏並營快快南行路經臨邑時序勦陽誓酒同  
盟起集民丁協同都司周守濟南不意燕庶人於五  
月十六日率眾寇城詭詐百端誘說軍民開門出見  
鐵相遂使軍民穢罵賊寇彼知中堅不下長圍四守

內外不通百計攻打晝夜不息攻之愈堅守之愈固  
若非濟南戰守而挫其鋒燕庶人乘劈竹之勢目中  
亦無江淮矣攻圍三月彼既智窮力盡師老將疲援  
兵方至遁走圍解時魏同在圍城中其所存如此古  
穰雜錄云文廟兵至城不下圍之月餘亦不得時城  
有攻破者隨完之以計詐開門降用板候其入下之  
幾中其計後出戰文廟被其窘甚知不能克乃棄去  
遜國記因之於是有偽降鐵板之說革除遺忠錄云  
鉉於城壞處報懸太祖御像兵畏忌矢石不敢犯鉉  
於像內潛修築完同太宗告之於是又有御容之說

獻徵錄載宋端儀鐵公傳云景隆敗績於白溝河北  
兵乘勝追襲鉉時主餉在行與叅贊遼州人高魏並  
轡南奔以夏五月五日道出臨邑誓酒同盟起集民  
丁同徐將軍盛統兵高僉事宋叅軍張都統王太守  
王檢校諸臣固守濟南是月十六日北兵臨城欲誘  
降之鉉令軍民堅守不肯下攻圍三月時或出兵討  
捕互有殺傷已而以計焚其樓櫓擒獲其巨寇之尤  
姦者北兵知有備且虞援兵至遂夜遁捷既聞使使  
賚以金幣并誥封三世其父仲明母薛氏年皆八十  
生膺寵命當世榮之時景隆以敗軍召還命歷城侯



盛庸挂印代之鉉趨朝謝恩蒙賜宴餽肉凡所建白皆如其言陞山東布政使不數日拜兵部尚書叅佐盛庸凡運籌策申軍政糧草主將多倚藉之北兵既至滄州以十月晦虜帥臣徐凱復命鉉專城守濟南庸率兵往來邢博間北兵以鉉故不敢近濟南徑趨東昌辛巳春由萊河還戰滎城遂畧彰德正定壬午春由德州取道東阿汶上直抵靈壁北兵擒副將陳暉平安等遂渡淮庸大軍亦連敗績自是不踰月京師平執鉉以八月朔至京師故老相傳云鉉傳見正言不屈令其一顧終不可時年三十七月十七日

也男福安年十二三發充河地千戶所軍端儀傳在  
鄭曉之前國史考異云據高魏之序則誘說軍民開  
門出見者燕師也使軍民穢罵彼知不下長圍四守  
與詐降之說絕異度文皇善用兵不應誤信輕率乃  
爾事蹟所載攻城在庚辰隄水在辛巳又與魏序合  
則長圍既築之後必無開門用板之事又危城中安  
得御容如此之多鄭氏獨削不取亦有見也予細思  
考異之言實為有理今復稽之宋端儀所作鐵傳並  
可以正之矣當時盛庸鐵鉉等俱在圍城中無一人  
卸甲詣燕軍而專有百姓千人請降燕王豈肯遽信

之遂輕身鼓吹而入今不令勁兵前驅之坦鄭氏沿  
習傳聞失於詳考後人復因鄭說而增飾之也又遼  
國記鐵傳中載宋叅軍之計見文皇攻濟南不克舍  
之南去說鉉出兵襲北平鉉不能用然當時燕王因  
謀報平安率兵二十萬將襲德州糧故解圍還北平  
非舉兵而南也則此說亦未確王鴻緒明史  
榮史例議

壬午四年七月詔山東被兵州縣復徭役三年未被兵者

蠲租一年

明史成  
祖紀

成祖永樂元年即建文四年三月饑五月蝗地震有

彗命賑饑九月命寶源局鑄農器給山東被兵窮民

奪歷城侯盛庸爵尋自殺

見明史成祖紀及實錄五行志

甲申二年五月蝗

見明史成祖紀

七月野蠶成繭

見實錄

十一

月地震

見明史五行志

乙酉三年八月好坊生

見實錄

丙戌四年八月蝗賑饑

同上

丁亥五年三月除永樂五年以前逋賦

見明史成祖紀

戊子六年三月詔免逋負稅糧

見實錄

四月除荒田租

同上

壬辰十年饑

見明史五行志

甲午十二年正月發民運糧宣府悉給行糧及道里費仍

免差徭一年

見實錄

乙未十三年六月水溢壞廬舍沒田禾發粟賑之蠲田租

見明史成祖紀及五行志

九月免被水災之民徭役一年

見寶錄

丙申十四年正月饑

七月蝗

免永樂十二年逋租發

粟賑之

見明史成祖紀及五行志

己亥十七年令民間虧租折輸鈔帛

見寶錄

壬寅二十年七月免水災糧芻

見明史成祖紀

癸卯二十一年八月免水災田租

同上

乙巳仁宗洪熙元年夏饑免今年夏稅及秋糧之半

明史仁宗

紀及五行志

丙午宣宗宣德元年七月免稅

見明史宣宗紀

壬子七年五月至六月淫雨傷稼

見明史  
五行志

癸丑八年春旱遣使賑卹夏復賑免稅糧

見明史  
宣宗紀

甲寅九年五月旱蝗饑

見明史  
五行志

乙卯十年四月蝗

丙辰英宗正統元年閏六月大水

丁巳二年蝗

戊午三年四月烈風連日麥苗盡敗

以上俱見明  
史五行志

庚申五年十二月免被災稅糧

明史英  
宗前紀

辛酉六年夏蝗十一月免被災稅糧

明史五行志  
及英宗前紀

壬戌七年四月免被災稅糧

英宗  
前記

癸亥八年十二月免復業民稅糧二年同上

甲子九年閏七月大水明史五行志

丁卯十二年蝗同上

戊辰十三年五月蝗英宗前紀

己巳十四年夏蝗明史五行志

庚午景帝景泰元年饑四月賑之 六月免被災稅糧明史

景帝紀及舊志

辛未二年八月霖雨害稼見寶錄 十月免去年旱災夏稅

同上

壬申三年正月樹介見寶錄 六月蝗同上 八月大水免稅

糧見明史景帝紀及五行志 九月賑被災州縣 十一月安戢

### 民復賦役

癸酉四年十月饑免被災稅糧 冬大雪數尺

甲戌五年春大雪以上俱見明史景帝紀及五行志 六月旱免夏稅見實錄

錄 八月大水見明史五行志 十二月免秋糧見實錄

乙亥六年旱饑蠲稅糧同上 七月蝗同上

丙子七年大水饑發粟賑之免稅糧並蠲逋賦見實錄及明史景帝紀

紀五行志

丁丑英宗天順元年三月封皇子見潁為德王建德王府

於縣是月饑發粟賑之見明史英宗紀及地理志五行志 七月蝗大



雨閱月禾盡沒免夏稅

見明史英宗紀及五行志

戊寅二年四月蝗 十一月免秋糧

同上

庚辰四年旱

明史五行志

辛巳五年免被災稅糧

明史英宗紀

修府學

見陸通志

壬午六年三月免被災稅糧

五月饑

十月再免被災

稅糧

同上

癸未七年自正月至於四月不雨

八月水災賑之

見明史五行

行志及英宗紀

乙酉憲宗成化元年建巡撫都察院署

見陸通志

丙戌二年巡撫都察院署燬

同上

建山東都指揮使司署

上 氏

三年德王見潞就國

明史德王傳

德莊王見潞英宗第二子初名見清天順元年封德王初國德州改濟南成化三年就藩請得齊漢二庶人所遺東昌兗州閒田及白雲景陽廣平三湖地憲宗悉予之正德初詔王府莊田畝徵銀三分歲為常見璿奏初年兗州莊田歲畝二十升獨清河一縣歲畝五升若如新詔臣將無以自給戶部執山東水旱相仍百姓凋敝宜如詔帝曰王何患貧其勿許十二年薨子懿王祐榕嗣嘉靖中戶部議覈王府所請山

場湖陂斷自宣德以後者皆還官詔允行於是山東  
巡撫都御史邵錫奏德府莊田俱在革中與祐榕相  
訐奏錫持之益急議衛司軍額千七百人逃絕者以  
餘丁補錫謂非制檄濟南知府楊撫籍諸充補者勿  
與餉軍校大譁毀府門詔逮問長史楊穀等諭王守  
侯度毋徇羣小滋多事議者謂錫過激致其罪不盡  
祐榕過云此十一年八月事至十八年涇徽二王復  
請得所革莊田祐榕援以為請詔仍與三湖地使自  
徵其課其年薨孫恭王載登嗣萬歷二年薨子定王  
翊館嗣十六年薨子常潔嗣崇正五年薨世子由樞

嗣明史諸  
王列傳

戊子四年三月命以濟南在城稅課之半賜德王為湯沐  
費歲為鈔五萬六千有奇見寶錄 饑見明史 修城見

通志

庚寅六年饑發粟賑之見明史

壬辰八年饑明史憲宗紀

癸巳九年三月甲午四月丁卯黑暗如夜見明史

重建巡撫都察院署見陸通志 濬小清河見顧祖禹方輿紀要 年

饑盡免稅糧三發粟賑之見明史憲宗紀及五行志

甲午十年大稔見稽志

丙

十二年建清軍御史察院署

見陸通志

丁酉

十三年饑發粟賑之免被災稅糧

見明史憲宗紀及五行志

戊戌

十四年饑發粟賑之免被災秋糧

同上

移建縣學見陸

通志

己亥

十五年賑饑免秋糧

見明史憲宗紀及五行志

庚子

十六年饑免被災稅糧

同上

壬寅

十八年免被災稅糧

同上

癸卯

十九年修城

見府志

修貢院

陸通志

建鄉賢祠

同上

乙巳

二十一年饑免被災稅糧

見明史憲宗紀及五行志

丁未

二十三年免被災稅糧

同上

戊申 孝宗宏治元年饑

明史五行志

子 五年饑發粟賑之

見明史孝宗紀及五行志

河決由大清河入

海見府志

癸丑 六年以水災免鹽課

見實錄

四月命濟南府稅課全

賜德王府

同上

甲寅 七年大稔

舊志

丁巳 十年水災賑

明史孝宗紀

戊午 十一年免被災夏稅

同上

辛酉 十四年水饑遣使賑卹免被災稅糧

明史孝宗紀

壬戌 十五年九月地震壞城垣民舍

明史五行志

癸亥十六年饑發粟賑之

見明史孝宗紀及五行志

甲子十七年免被災稅糧

同上

丙寅武宗正德七年黑青見至冬乃息

見舊志

正德七年六月壬戌黑青見大者如犬小者如貓夜

一出傷人有至死者形赤黑風行有聲居民夜持刁斗

相警達旦逾月乃息

明史五行志

丁丑十二年九月地震

見明史五行志

已卯十四年詔流民歸業者官給廩食蠲舍牛種復五年

明史武帝紀

庚辰十五年八月地震

明史五行志

壬午 世宗嘉靖元年冬曠盜流劫濟南

見資治通鑑綱目三編

甲申 三年正月地震

明史世宗紀

建巡鹽御史察院署

見陸通志

乙酉 四年九月疫

明史五行志

丙丑 八年蝗秋大水饑

同上

庚寅 九年大饑

同上

辛卯 十年蝗

見舊志

壬辰 十一年免被災稅糧

明史世宗紀

建崇正祠

補碑

癸巳 十二年饑

見明史五行志

濬小清河

見方輿紀要

丙申 十五年免被災稅糧

世宗紀

戊戌 十七年大旱

明史五行志

陸武原志卷第三

總之二

三



二十年免被災稅糧

明史世宗紀

二十一年建提學道署

見岳濟山東通志

二十五年免被災稅糧

明史世宗紀

三十年免被災稅糧

同上

三十二年饑發粟賑之免稅糧

明史世宗紀及五行志

三十四年秋免被災稅糧

明史世宗紀

四十年春賑饑

同上

四十三年大饑

同上

穆宗隆慶三年閏六月

蝗八月大水賑之

十三

月免稅糧

見明史穆宗紀及五行志

未五年十月大水同上

癸神宗萬歷元年大旱九月發粟賑之見明史神宗紀及岳通志

壬十年大饑舊志

甲十二年免被災稅糧明史神宗紀

丙十四年賑災同上

丁十五年七月旱明史神宗紀

戊十六年大旱疫免被災夏稅秋大水見明史神宗紀及五行志

庚二十年修縣城見舊志

癸二十一年饑發粟賑之見明史神宗紀及五行志

甲二十二年大水以米豆三萬六千石賑之見舊志

丁酉 二十五年河井溝瀆之水無風自沸見府志

巳亥 二十七年大旱同上

庚子 二十八年大風雹擊死人畜傷禾苗 饑見明史五行志

辛丑 二十九年大旱見明史神宗紀

壬寅 三十一年五月戊戌大雨二龍鬪水中山石皆飛平

地水高十丈見明史五行志

丁未 三十五年大水舜廟香泉發 冬十月旱饑蠲賑有

差見明史神宗紀及舊志

巳酉 三十七年蝗 五月濟南產特牛兩頭三鼻四目二

口見明史五行志及岳通志 十二月留山東稅銀三分之一賑

民 州史神

庚三十八年夏大旱發粟賑之 縣民王改亨家牛產

一麟龍頭醫身牛蹄產時火起未幾死而火亦熄 見明

宗紀及  
五行志

癸四十年秋大稔 見舊

乙卯四十三年春正月地裂三月大雪夏大旱遣御史過

庭訓賑之 秋七月蝗 見明史五行  
志舊志府志

丙辰四十四年四月復蝗大饑蠲賑有差 見明史神宗  
紀及五行志

丁巳四十五年秋八月濟南地裂者二 見明史  
五行志

戊午四十六年秋大稔 見舊

巳未四十七年八月蝗

見明史五行志

庚申四十八年雨土

同上

辛酉熹宗天啟元年秋大水

見舊志

壬戌二年春二月癸卯地震三日壞民居無數 秋地復

震

見明史五行志及舊志

癸亥三年春隕霜殺桑地震 夏地出血

見府志

甲子四年大雨雹饑發粟賑之 秋七月縣民劉勅家產

芝

見舊志

乙丑五年夏四月初五日未時震雷狂風發屋拔木晝晦

見府志

六月飛蝗蔽天田禾俱盡

見明史五行志

修縣城見舊志

志

丙寅六年夏旱蝗六月地震

見明史燕宋紀及五行志

丁卯七年七月大水廬舍漂沒殆盡大清河溢

見舊志

庚午莊烈帝崇正三年三月初九日濟南大風晝晦

見府志

辛未四年春狼入西城

舊志

壬申五年三月十二日大風黑氣 十二月二十一日南

城內外大火焚數千家湖中樹木焦二十二日舜廟災

同上

甲戌七年春正月朔先雨後雪霹靂大作

見府志

修城

乙亥八年秋七月旱蝗

見明史五行志及舊志

縣民劉緯家產芝

見舊

志

九年六月大雨雹殺西北禾蔬至盡

見舊志

十一月

蠲五年以前逋賦

見明史莊烈帝紀

丁丑十年蝗民大饑

同上

戊寅十一年大旱蝗

見明史五行志

己卯十二年春正月庚申我

大清兵入濟南德王由樞被執布政使張秉文巡按御史

宋學朱按察副使周之訓兵備道鄭謙鹽運使唐世熊

都指揮馮館濟南知府苟好善同知陳虞允教授孔聞

武歷城知縣韓承宣俱死之二月乙未

大清兵北歸歲大饑

見明史莊烈帝紀及五行志

張秉文字含之桐城人祖淳官叅政事具循吏傳秉文舉萬歷三十八年進士歷福建右叅政與平海寇李魁奇崇正中歷廣東按察使右布政使調山東為左十一年冬

大清兵自畿輔南下本兵楊嗣昌檄山東巡撫顏繼祖移師德州於是濟南空虛止鄉兵五百萊州援兵七百勢弱不足守巡按御史宋學朱方行部章邱聞警馳還與秉文及副使周之訓翁鴻業叅議鄭謙隨運使唐世熊等議守城連章告急於朝嗣昌無以應督師



中官高起潛擁重兵臨清不救大將祖寬倪寵等亦  
觀望

大清兵徇下州縣十有六遂臨濟南秉文等分門死守晝  
夜不解甲援兵竟無至者明年正月二日城潰秉文  
擐甲巷戰已被箭力不能支死之妻方妾陳並投大  
明湖死學朱之訓謙世熊濟南知府苟好善同知陳  
虞允通判熊烈獻歷城知縣韓承宣皆死焉德王由  
樞被執秉文贈太常寺之訓謙光祿卿承宣光祿少  
卿皆建特祠餘贈卹如制學朱死不得死疑未實獨  
格不與福王時贈大理卿鴻業及推官陸燦不知所

終贈卹亦不及學朱字用晦長洲人崇正四年進士  
為御史嘗抗疏劾楊嗣昌田維嘉時論壯之之訓黃  
岡人進士累官浙江按察使坐事貶官被薦未擢而  
避難望闕再拜與妻劉偕死闔門殉之諫孝感人進  
士戰於城上與季父有正偕死母莫氏匿民間不食  
死族戚憐從死者四十餘人世熊灌陽舉人分守四  
門被殺好善醴泉人進士虞允未詳烈獻黃陂貢生  
城破與二子俱死承宣大學士燠孫進士與妻妾同  
死有劉大年者江西廣昌人官兵部主事奉使南京  
還朝道歷城城破抗節死贈光祿少卿其縉紳殉難

者歷城劉化光與子漢儀先後舉於鄉父子俱守城

力戰死贈卹有差

明史乘  
秉文傳

九月二十四日城西南角樓燬貯砲四擊震傷民房數

千間

見藉  
志

庚辰十三年春閏正月元日雷電雨雪盈尺

見府  
志

二月

大風霾

夏五月大旱蝗大疫

見明史五行志  
及舊志府志

賑饑

明史莊  
烈帝紀

修縣署

見藉  
志

辛巳十四年大旱蝗

見明史  
五行志

冬桃李實

見府  
志

國朝

世祖章皇帝

甲申順治元年夏五月

大清定鼎京師

丁亥四年大水

見岳通志

庚寅七年大清河溢

見府志

辛卯八年蠲免歷年民欠錢糧

見岳通志

乙未十二年蠲免歷年民欠錢糧

同上

己亥十六年裁龍山驛丞

同上

庚子十七年以故巡撫署為總督署

府志

聖祖仁皇帝

壬寅

康熙元年裁訓導

見岳通志

癸卯三年夏四月二十四日隕霜殺麥

見府志

蠲免順治

十五年以前民欠錢糧

岳通志

己巳 四年旱饑蠲免順治十八年以前民欠錢糧同上

丙午 五年建巡撫署於德藩舊址見趙祥呈山東通志

戊申 七年夏六月二十七日地震見府志

庚戌 九年夏五月二十一日大雨雹約突泉溢沒盛舍人

畜見刑志 旱見趙志

辛亥 十年旱蝗蠲免康熙六年以前民欠錢糧同上

壬子 十一年旱蝗見刑志

甲寅 十三年夏四月十三日晝晦同上 旱見趙志

己卯 十四年修城府志

戊子 十七年旱岳通志 秋九月十八日大雪見府志

己未十八年改總督署為提督署 秋七月二十八日地震

庚申十九年復設訓導

辛酉二十年重修縣署

壬戌二十一年修縣學 以上俱見府志

甲子二十三年秋

車駕南巡過濟南幸酌突泉登南門城樓豁免本年丁糧 見

盛典及府志岳通志

乙丑二十四年有狼災 同上 秋七月穀一莖四穗 見府志

丙寅二十五年蝗豁免本年錢糧 見府志及岳通志

丁卯二十六年蠲免本年漕米

岳通志

戊辰二十七年修城

見府志

建提督學院署

據碑

按學道署舊在青州自是年始移治濟南改名學院

巳巳二十八年春正月十六日

申駕南巡重臨趵突泉登北城會波樓免康熙二十九年田租

見府志

戊寅三十七年早散倉穀賑饑

岳通志

改提督署為濟東

道署

府志

癸未四十二年春彗祠災

見王士正香祖筆記

大水蠲免四十三

年四十四年兩年地丁銀米並歷年民欠錢糧

通志

修府學

府志

己酉四十四年早散倉穀賑饑

見岳通志

丙戌四十五年蠲免歷年民欠錢糧

同上

建雙忠祠

棟碑

丁亥四十六年大旱賑饑

見王士正分甘餘話

巳丑四十八年進瑞穀一莖十穗

見岳通志

庚寅四十九年蠲免歷年民欠錢糧

癸巳五十二年蠲免本年錢糧

辛丑六十年早散倉穀賑饑

壬寅六十一年饑散倉穀賑濟

歷成縣志

卷第二

總紀二

十九



世宗憲皇帝

癸卯

雍正元年蠲免康熙六十年六十一年未完錢

糧散倉穀賑濟

己三年水發倉穀賑卹蠲被災錢糧

丁四年建先農壇

庚戌八年水散倉穀賑饑蠲被災錢糧

以上俱見岳通志

今上

皇帝

丙辰

乾隆元年

丁巳乾隆二年散倉穀賑饑蠲被災錢糧

縣冊

己未四年散倉穀賑饑

辛酉六年散倉穀賑饑蠲被災錢糧

壬戌七年散倉穀貸民蠲免被災錢糧

十二年散倉穀賑饑 建

行宮

戊辰十三年

車駕東巡至濟南蠲免被災錢糧

辛巳二十六年散倉穀賑饑

壬午二十七年散倉穀賑饑

乙酉三十年設龍山巡檢

丙戌三十一年蠲免一年漕米秋雨傷禾散倉穀賑饑蠲

免被災錢糧

以上俱見縣冊

歷城縣志卷第二終